

DATE: **28 JANUARY 2014 (WEDNESDAY)**

MEDIA: **UTUSAN MALAYSIA – TANGKAPAN PATI MENYELURUH-PG. 4**

Utusan Malaysia, 28 Jan 2014 - PG. 4

Turut melibatkan pekerja spa dan gadis pelayan pelanggan - Zahid Hamidi

# Tangkapan PATI menyeluruh

Oleh **THOMAS CHONG**  
pengarang@utusan.com.my

**PUTRAJAYA** 27 Jan. - Penguatkuasaan ke atas pendatang asing tanpa izin (PATI) tidak terhad kepada pekerja pembinaan dan perkhidmatan tetapi merangkumi semua sektor termasuk pembanteraan terhadap pekerja spa dan gadis pelayan pelanggan (GRO).

Menteri Dalam Negeri, Datuk Seri Dr. Ahmad Zahid Hamidi berkata, operasi penangkapan PATI secara bersepadu tersebut juga akan dijalankan setiap hari tanpa mengira faktor musim, cuti, siang atau malam.

"Kita akan melakukan tanggungjawab penguatkuasaan. Kita tidak mahu timbul persepsi bahawa Kementerian Dalam Negeri hanya merupakan 'tin kosong'," katanya.

Beliau berkata demikian kepada pemberita selepas menyampaikan amanat Tahun Baharu 2014 kepada warga Kementerian Dalam Negeri di

sini hari ini.

Operasi penangkapan PATI secara besar-besaran dilancarkan di seluruh negara pada 21 Januari lalu sebaik sahaja berakhirnya Program Khas Pengurusan PATI yang diadakan untuk pekerja asing atau majikan yang tertipu ketika menyertai program pemutihan sebelum ini.

Operasi tersebut disertai oleh pelbagai agensi termasuk Jabatan Imigresen, Polis Diraja Malaysia dan Jabatan Sukarelawan Malaysia (Rela).

Terdshulu dalam ucapannya, Ahmad Zahid berkata, kementeriannya tidak akan menanggungkan penguatkuasaan terhadap PATI seperti mana yang dicadangkan oleh sebuah parti politik.

"Kita menghormati rakan kita tidak kira pertubuhan bukan kerajaan (NGO) atau parti politik, tetapi jangan campur tangan dalam urusan Kementerian Dalam Negeri yang mahu menjaga kesejahteraan negara," katanya.



AHMAD Zahid Hamidi bersama para artis dari kiri Rohana Jalil, Nassier Wahab, Nash, Hattan, Abon dan Salwa Abdul Rahman selepas pemakaian pangkat Jabatan Pertahanan Awam kepada artis tersebut dalam majlis perhimpunan bulanan Kementerian Dalam Negeri di Putrajaya, semalam.

DATE: 28 JANUARY 2014 (WEDNESDAY)

MEDIA: UTUSAN MALAYSIA – SURVIVAL NEGARA TANPA PATI - PG. 10

# Survival negara tanpa PATI

Oleh ZULKIFLI JALIL  
pengarang@utusan.com.my

**PADA** 1988 lagi isu pendatang haram sudah berbangkit sebagai isu besar di Malaysia.

Ketika itu, Tan Sri Dr. Rais Yatim sebaik sahaja keluar dari Kementerian Luar, telah merundingkan berhubung pekerja-pekerja dan petugas dari Indonesia ke Semenanjung.

Dan sebagai bekas Menteri Luar, kata Rais kepada mereka, Malaysia mesti mengutamakan pekerja-pekerja atau penjawat profesional dalam kalangan pakar. Yakni, pakar jurawat yang tinggi tahap khidmatnya, pakar matematik, bahasa dan perubatan termasuk daripada sektor guru.

Namun pada waktu itu Rais 'bertembung politik' pula dengan Tun Dr. Mahathir Mohamad menyebabkan projek membawa masuk pakar-pakar berkenaan terbengkalai.

Sejak 1988 itulah dianggarkan sejumlah 3.5 juta manusia telah bergerak masuk ke negara ini. Hampir 50 peratus atau lebih terdiri daripada mereka bertaraf pendatang asing tanpa izin (PATI).

Istilah pendatang haram dan tanpa izin menunjukkan kita ibarat sejumlah orang yang takut'. Sepatutnya diistilahkanlah sebagai pendatang haram di sisi undang-undang. Malangnya, suara untuk mengekalkan istilah pendatang haram itu 'tergegal' dek komornya atas pertimbangan kemanusiaan.

Soalnya, isu kemanusiaan Malaysia tidak ditekankan tetapi kemanusiaan warga asing pula yang diserabutkan - terdiri daripada warga Indonesia, Bangladesh, Myanmar, China dan India sehingga mencecah 3.5 juta.

Rais, 72, yang kini Penasihat Kerajaan dalam Hal Ekuwal Budaya dan Sosial menarik perhatian penulis mengenai isu PATI yang kini digerak pempur oleh Kementerian Dalam Negeri di bawah teraju menteri, Datuk Seri Dr. Ahmad Zahid Hamidi.

"Betapa oleh kerana fenomena sosial begitu berat terutama daripada PATI Indo-



PARA majikan berbaris panjang di pekarangan Pusat Kelulusan Setempat (OSK) bagi mendaftarkan pekerja asing pada hari terakhir Program Khas Pengurusan PATI (PKPP) di Kementerian Dalam Negeri (KDN), baru-baru ini.

nesia dan Bangladesh yang 'tidak mewakili para profesor' atau nilai 'tambah kepada Malaysia, melainkan hanya sekadar datang sebagai buruh kasar - maka dari segi budaya dan fakta penyusunan masyarakat tidak hadir atau wujud menerusi mereka.

"Tujuan sebahagian mereka datang semata-mata untuk mencabul undang-undang negara ini khususnya risiko yang terpaksa ditanggung (Jabatan) Imigrasi, walaupun mereka ini hantar balik berbilion-bilion ringgit ke negara asal.

"Bagaimanapun jika diteliti sedalam-dalamnya, kemasukan PATI ini seakan-akan terancang," kata Rais ketika ditemui di pejabat Presiden Universiti Islam Antarabangsa Malaysia (UIAM) di Gombak, kelmarin.

"Kita boleh kata benar kita ada rezeki emas tapi alasan itu tidak boleh diterima. Mereka datang ramai disebabkan kelangkaan kita.

"Mungkin ada yang kecil hati dengan ulasan saya ini tapi ini benar.

"Antara tekong, mereka berurusan dengan majikan. Ini berlaku terutamanya an-

tara 1989-1990 yang memang amat mudah orang luar masuk ke pantai kita di Sabah dan Terengganu, serta sedikit di Sarawak. Waktu masuk di Tanjung Tuan, Negeri Sembilan dan Pulau Pisang di Pontian, Johor, ini semua dalam pengamatan kita, ya (pengamatan) semasa saya di penghujung bertugas di Wisma Putra pada 1987," kata beliau.

"Memang diakui PATI bekerja dan beri sumbangan besar kepada khidmat tenaga di Malaysia antaranya di ladang-ladang getah dan sawit. Ini menyumbangkan pengeluaran kasar negara.

"Namun di sebaliknya kita menanggung beban sosial amat berat seperti aspek perubahan dan perumahan."

Di satu sisi yang lebih penting lagi, kata Rais, "Lambakan PATI atau warga asing di negara ini mengajar orang Malaysia menjadi 'tuan besar'.

"Ini khasnya dituturkan kepada orang Melayu yang tak reti (tak berupaya) nak buat kerja-kerja kasar dan asas yang temukani tanah dan tangan, libatkan pertukangan ban-

cu simen dah tak 'reti' dan tak mahu."

Disebabkan kos pemburuan murah dalam kalangan warga asing, lama-kelamaan kesemua (kerja) diserahkan kepada mereka - daripada jual teh tarik, ambil getai di Jalan Chow Kit sehinggalah buat perkampungan di Balakong dan Berembang.

"Kita diposongkan dengan majlis keramaian mereka di Taman Dugang, warga Bangladesh pula besar jumlahnya sehinggalah orang Melayu nak sewa kedai di situ pun takut. Di Ampang Point, peniagaan kecil-kecilan dirampas orang asing. Orang Melayu tak ada tempat, di pasar borong pun tak ada."

"Daripada 10 kontraktor tempatan, sembilan guna tenaga buruh luar. Cina, Melayu tak reti bancuh simen, jadi penurap jalan."

"Dengan ini suara Bangladesh, India, Myanmar sudah jadi besar sehinggalah pihak berkuasa rumit untuk bertindak," katanya.

Dalam soal ini, mungkin ada pandangan disuarakan 'kalau tidak ada 3.5 juta PATI dan warga asing, macam mana Malaysia nak

survive?".  
"Soalnya, survival kita mesti bebas PATI seperti orang Amerika Syarikat, England, Eropah dan Ireland yang menggunakan tenaga keluarga. Kita perlu beransur-ansur kembali ke dunia pra-1988. Ini bukan mudah, cuma melainkan diri sendiri dengan memastikan pengambilan tenaga luar dikurangkan.

"Hal ini mesti direjimenasi dengan pelajaran kita. Ini, nak masak gulai sebelanga pun tak pandai dah, terpaksa guna orang luar. Sistem latihan kita mesti ke arah hidup berdikari," kata Rais.

Baik Rais mahupun penulis sendiri, kami bersetuju kalau orang Barat boleh buat apa sahaja kerja tanpa PATI, kenapa tidak kita juga?

Jika anggaran RMI,000 digaji kepada 3.5 juta orang, maknanya wang dibahar balik seperti dianggarkan oleh pakar ekonomi mencecah angka RM10 bilion hingga RM15 bilion. Ini mewakili separuh daripada nilai RM30 bilion yang dibekalkan oleh Petronas pada masa ini.

Kita tidak boleh beranjak terutama dari segi penempatan gaji kepada pekerja asing. Namun gaji pembantu rumah misalnya tidak wajar ditentukan oleh pihak luar (kerajaan mereka). Jika sekarang mereka menuntut RM800 sebulan untuk gaji pembantu rumah, akan datang tak tahulah.

Kita jangan dilatih sentiasa berahai. Beban sosial pada negara iaitu beban pertukaran budaya yang mereka bawa sangat berat. Sekarang, warga Sudan dan Nigeria pun sudah ramai bilangannya di Kuala Lumpur.

Dan apabila ditanya adakah mereka pelajar antarabangsa di sini, jawabnya tidak.

Sekali lagi pengatkuasaan kita cukup nominal atau hanya pada nama.

Kita khuatir mereka ini macam Belanda dapat tanah. Lama-kelamaan kampung ter-

gadai.

## ≥ BISIK-BISIK

AWANG berharap kedua-dua murid Sekolah Jenis Kebangsaan Cina (SJKC) Khal Meng, Sungkai, Perak yang dihukum makan rumput setelah digantung loceng pada leher mereka benar-benar dapat 'kembali' belajar seperti biasa.

Bukan mudah bagi kanak-kanak tersebut dapat melupakan insiden ini.